



**REFERAT FRÅ MØTE I SAMARBEIDSRÅDET FOR SUNNHORDLAND 4. SEPTEMBER 2020
KL. 09.30 PÅ MANDELHUSET, TYSNES**

Desse møtte:

Sammy Olsen	Bømlo kommune
Kjetil Aga Gjøsæter	Bømlo kommune
Bjørn Tollefsen	Etne kommune
Harald Rydland	Fitjar kommune
Olaug Haugen	Fitjar kommune
Hans Inge Myrvold	Kvinnherad kommune
Ragnhild Bjerkvik	Kvinnerad kommune
Gaute Epland	Stord kommune
Linn Therese Erve	Sveio kommune
Jostein Førre	Sveio kommune
Kåre Martin Kleppe	Tysnes kommune
Steinar Dalland	Tysnes kommune

Med på Teams:

Morten Storebø	Austevoll kommune
Mette Heidi B. Ekrheim	Etne kommune

Observatører:

Arne-Christian Mohn	Haugesund kommune
---------------------	-------------------

Frå administrasjonen:

Tora Haslum Myklebust
Anne Almås Tranøy

Andre:

Håvard Lunde Bakke	Studentpraktikant hos Tysnes kommune
--------------------	--------------------------------------

Forfall:

Bjarte Madsen, Austevoll kommune – Magnus Mjør, Stord kommune

Då var føre:

Sak 31/20	Godkjenning av referat frå møte i Samarbeidsrådet 5. juni d.å.
Sak 32/20	Undervegsevaluering - overgang til Rogaland fylke
Sak 33/20	Ny strategisk plan for Samarbeidsrådet for Sunnhordland 2021-2024
Sak 34/20	Planlegging av tema og møte med fylkes og stortingsrepresentantar frå Sunnhordland 16. oktober
Sak 35/20	Plan for idrett, friluftsliv og kulturanlegg
Sak 36/20	Deltaking Folkehelseforum Vestland
Sak 37/20	Støttefråsegn – Stord Trafikkstasjon, reduksjon av tenestetilbodet
Sak 38/20	Støttefråsegn - Karriere Vestland – reduksjon av stillingar
Sak 39/20	Halvårsrekneskap 2020
Sak 40/20	Budsjett 2021

Sak 41/20

Skriv og meldingar

- a) Kartverket
- b) Møteplan
- c) Støttefråsegn til PCR-maskinar ved Haugesund og Førde sjukehus
- d) Revisor for Samarbeidsrådet

Sak 42/20

Ymse

- a) Felles revisortenester for kommunane
- b) Høyring: Reviderte statlege planretningslinjer for differensiert forvaltning av strandsona langs sjøen.
- c) Kommunal Museumsstrategi
- d) Bussen i Sunnhordlandsbassenget
- e) Kommunikasjonsstrategi for Samarbeidsrådet
- f) Sakshandsaming høyringar og fristar
- g) Prosjektoversikt med status

Sunnhordland, 9. september 2020

Tora Haslum Myklebust
dagleg leiar

**REFERAT FRÅ MØTE I SAMARBEIDSRÅDET FOR SUNNHORDLAND 4. SEPTEMBER 2020
KL. 09.30 PÅ MANDELHUSET, TYSNES**

Sak 31/20 Godkjenning av referat frå møte i Samarbeidsrådet 5. juni d.å.

Vedtak:

Samrøystes vedtak.

Sak 32/20 Undervegsevaluering - overgang til Rogaland fylke

Framlegg til vedtak:

Samarbeidsrådet vedtok i sak 27/20 følgjande:

1. Samarbeidsrådet for Sunnhordland vil gjennomføra ei undervegsevaluering av Sunnhordlandskommunane si rolle i det nye Vestland fylke.
2. I fase 1 skal det gjerast ei vurdering om Sunnhordlandskommunane har ein tydeleg nok posisjon i det nye fylke.

Fylkeskommunen skal koplast inn for å synleggjera sitt syn på saka.

3. Ut i frå resultat frå fase 1 skal det gjerast ei vurdering om det er grunnlag for å starte arbeidet med fase 2, der kvar kommune kan gjera ei vurdering om det er tenleg å gå vidare med prosess for å vurdere ny fylkestilknytning.
4. Administrasjon legg fram ei skisse på mandat, prosess og finansiering til møte 4. september.

Som eit resultat av fylkessamanslåinga har Samarbeidsrådet for Sunnhordland vore uroa for at den nye fylkeskommunens nærvær i Sunnhordland vil bli redusert. Overordna har Samarbeidsrådet for Sunnhordland som mål at Rogaland fylke blir ein del av Vestland fylke.

Slik situasjonen er no, så frykta ein at Sunnhordland blir ein utkant i det nye storfylket.

I [Intensjonsplanen til Sogn og Fjordane og Hordaland fylkeskommunar, datert 17. januar 2017](#), har ein lagt opp til ei spreiding av administrative funksjonar i fylket. Funksjonar innan veg, opplæring og idrett, næring og kultur, skulle lokaliserast i distriktskommunar i Hordaland.

Med bakgrunn i dette skal Samarbeidsrådet for Sunnhordland evaluere kva verknader fylkessamanslåinga har fått for Sunnhordlandsregionen.

Arbeidet er inndelt i to fasar. Den første fasen vil bli gjennomført i regi av Samarbeidsrådet for Sunnhordland, og består av innhenting og bearbeiding av informasjon.

Fase to er oppfølginga som vil skje i den enkelte sunnhordlandskommunen der det skal vurderast om det er tenleg å gå vidare i arbeidet med ny fylkestilknytning.

Mandat:

Det skal gjennomførast ei evaluering av Sunnhordlandskommunane si rolle i det nye Vestland fylke. Evalueringa skal vurdere følgjande:

- Lokalisering av fylkeskommunale funksjonar før og etter fylkessamanslåinga.
- Talet på fylkeskommunale einingar og funksjonar som er lokaliserte i Sunnhordlandskommunane og talet på tilsette, før og etter fylkessamanslåinga.
- Politisk representasjon frå dei ulike regionane i Vestland fylke, i fylkesting, fylkesutval, hovudutval, andre utval og råd.
- Fordeling av investeringsmidlar til bygg, anlegg og veg, etter region, før og etter fylkessamanslåinga.
- I tillegg til å analysere Sunnhordland sin posisjon i Vestland fylke vs. Rogland fylke, så bør analysen ta for seg scenarioet Rogaland fylke som ein del av Vestland fylke. Det bør være ein overordna og transparent analyse, med høg nytte og gjenbruksverdi for alle involverte partar.

Prosess:

Samarbeidsrådet sin administrasjon vil vere prosjektleinga for evalueringsarbeidet, og oppdraget skal utførast av ein ekstern konsulent med relevant kompetanse og erfaring.

Anskaffingsreglenes del 2 vil bli lagt til grunn for anskaffinga.

Arbeidet er forventa å ha oppstart i oktober/november 2020, og evalueringsrapporten er ønska levert innan februar 2021.

Arbeidsutvalet får fullmakt til å fatte avgjerder av ikkje-prinsipiell karakter knytt til evalueringsarbeidet.

Finansiering:

Kostnadsramma for rapporten antar ein kjem på ca kr.300 - 400.000.

Samarbeidsrådet for Sunnhordland vil søke Vestland fylke og Rogaland fylke om støtte til arbeidet med å utarbeide rapporten, då analysen er av viktig karakter for begge fylka.

På møtet:

Det blei spelt inn på møte at ein også skal søke midlar hos KMD.

VEDTAK:

Samarbeidsrådet for Sunnhordland godkjenner framlegg til vedtak slik det føreligg.

Administrasjonen skal søke finansiering til analyse og rapport hos Rogaland og Vestland fylke, samt søke midlar frå KMD. Samarbeidsrådet kjem tilbake til mandat og framdrift etter at ein har fått svar på søknad om finansiering.

Sak 33/20**Ny strategisk plan for Samarbeidsrådet for Sunnhordland 2021-2024**

Saka vart lagt fram til drøfting utan framlegg til vedtak.

VEDTAK:

Samarbeidsrådet for Sunnhordland vedtok samrøystes revisjon av Strategisk plan.

Det blei vedtatt arbeidsmøte og revisjon av planen i samband med Samarbeidsrådet for Sunnhordland sitt møte 3-4. desember 2020.

Revisjon av planen blir gjennomført utan ekstern prosessleiar.

Sak 34/20**Planlegging av tema og møte med fylkes og stortingsrepresentantar frå Sunnhordland 16. oktober****Framlegg til vedtak:**

Administrasjonen inviterer storting- og fylkestingrepresentantar frå Sunnhordland, samt Hordalandsbenken til møte i Samarbeidsrådet 16. oktober.

Forslag til tidsplan:

Kl. 09.00 Samarbeidsrådet

Kl.11.00 Enkel lunsj.

Kl.11.30 Møte med storting- og fylkestingrepresentantar frå Sunnhordland, samt Hordalandsbenken

Kl.15.00 I utgangspunktet møteslutt.

Forslag til agenda frå kl.11.30-15.00:

- Økonomisk analyse av reiselivet i Sunnhordland v/Menon
- UNESCO status til Sunnhordland v/Brynjar Stautland
- Nasjonal transportplan. TBN har ansvar for dette tema.
- Sunnhordland Tingrett. TBN har ansvar for dette tema.
- Evaluering overgang frå Vestland til Rogaland fylke og vidare arbeid for å få Rogaland innlemma i Vestland fylke. TBN har ansvar for dette tema.
- Ferjeavløysingsordninga. TBN har ansvar for dette tema.
- Hamn. TBN har ansvar for dette tema.
- Skattelegging kraftanlegg. TBN har ansvar for dette tema.
- Covid-19: ekstraordinære utgifter/tap for kommunane. TBN har ansvar for dette tema.

På møtet:

Det blei fremma nye tema i tillegg til det som er lista opp under framlegg til vedtak: ferjer, trafikkstasjon på Stord, politi.

Grunna covid-19 blir Teams fortløpande vurdert som eit alternativ til fysisk møte, eventuelt i kombinasjon med fysisk møte. Alternativ dato ved stort fråfall blei sett til 20. nov. Det blei og fremma at ein ynskjer å invitere heile fylkesutvalet.

VEDTAK:

**Møte i Samarbeidsrådet for Sunnhordland 16. oktober (alternativ dato: 20. nov)
Teams vs. fysisk møte blir vurdert fortløpende fram mot møtedato.**

Tidsplan:

Kl. 09.00 Samarbeidsrådet

Kl.11.00 Enkel lunsj.

Kl.11.30 Møte med fylkestingrepresentantar frå Sunnhordland, samt fylkesutvalet for Vestland og Hordalandsbenken.

Kl.15.00 Møteslutt.

Agenda frå kl.11.30-15.00:

- Økonomisk analyse av reiselivet i Sunnhordland v/Menon
- UNESCO status til Sunnhordland v/Brynjar Stautland
- Nasjonal transportplan v/ Mette Heidi Bergsvåg Ekrheim og Kåre Martin Kleppe.
- Ferje og ferjeavløysingsordninga v/ Kåre Martin Kleppe og Hans Inge Myrvold.
- Evaluering overgang frå Vestland til Rogaland fylke og vidare arbeid for å få Rogaland innlemma i Vestland fylke v/ Linn Therese Erve.
- Sunnhordland Tingrett v/ Gaute Epland
- Polititenesta v/Gaute Epland
- Stord Trafikkstasjon v/Gaute Epland
- Hamn og omlegging av reform i Kystverket v/ Sammy Olsen
- Skattelegging kraftanlegg v/ Hans Inge Myrvold.
- Covid-19: ekstraordinære utgifter/tap for kommunane v/ Olaug Haugen

Sak 35/20 Plan for idrett, friluftsliv og kulturanlegg

Framlegg til vedtak:

Arbeidsutvalet tilrår at plan for idrett, friluftsliv og kulturanlegg ikkje vært revidert, då regionale anlegg ikkje er relevant for framtida, slik det i utgangspunktet var planlagt.

VEDTAK:

Samrøystes vedtak.

Sak 36/20 Deltaking Folkehelseforum Vestland

Framlegg til vedtak:

Samarbeidet for Sunnhordaland ynskjer å fremme Sveio ordførar Linn Therese Erve som sin representant inn i Folkehelseforum Vestland.

VEDTAK:

Samrøystes vedtak.

Framlegg til vedtak:**Gode tenester for trafikantar i heile landet!**

Me vil visa til pressemelding frå regjeringa 01.07.20 – «Regjeringa vil sikra gode tenester for trafikantar i heile landet».

Pressemeldinga inneheld fleire gode moment som me stiller oss heilhjarta bak. Samferdselsministeren seier mellom anna:

- For regjeringa er det avgjerande å sikra gode tenester for trafikantar i heile landet. Særleg for dei tenestene som framleis krev oppmøte, må det vera eit tilgjengeleg tilbod i heile landet.
- Det er viktig for ungdom som skal ta førarkort at dette kan skje utan for lang reiseveg og for mykje fråvær frå skule.
- For å sikra eit godt tilbod, særleg til ungdom i distrikta, vert også tilbodet om førarprøve på motorsykkel vidareført i Tynset, Kongsvinger, Flekkefjord, Odda, Sogndal, Sunndalsøra, Namsos, Sortland og Lakselv.

På denne bakgrunnen er det for oss uforståeleg at tenestetilbodet ved trafikkstasjonen på Stord vert kraftig redusert. Forslaget er å leggja ned skranketenester og førarprøvar for MC, klassane A, A1 og A2. For begge desse tenestene er Haugesund oppgjeve som næraste tenestestad i framtida.

Reiseavstandar

Tabellen under viser reiseavstandar og –tider frå kommunesenter i sunnhordlandskommunane til Haugesund trafikkstasjon:

Frå	Til	KM	Reisetid bil	Reisetid buss
Stord	Haugesund trafikkstasjon	62,3	59m	2t 11m
Fitjar	Haugesund trafikkstasjon	79,1	1t 17m	2t 40m
Bømlo	Haugesund trafikkstasjon	69,5	1t 3m	2t 37m
Austevoll	Haugesund trafikkstasjon	106	2t 11m	4t 19m
Tysnes	Haugesund trafikkstasjon	95,4	2t 17m	3t 48m
Kvinnherad	Haugesund trafikkstasjon	113	2t 31m	6t 50m
Sveio	Haugesund trafikkstasjon	21,4	26m	1t 1m
Etne	Haugesund trafikkstasjon	57,6	55m	1t 19

Som tabellen syner, må ein i sunnhordlandskommunane sjå på meir enn berre kilometeravstand når ein skal vurdere reisetid. Reisa inneber for oss ofte bruk av ferje som gir vesentleg lenger reisetid enn kilometertalet skulle tilseia.

Ungdom som ikkje har førarkort, må gjerne reisa med buss for å komme fram. Det er skjeldan busstidene stemmer, slik at ein har høve til å rekkja ein førarprøve. Om ein får busstidene til å stemma, viser tabellen at det tar svært lang tid å reisa med buss mellom Sunnhordland og Haugesund.

Brukargruppe

I Sunnhordland er mange av dei som skal ta førarkort for MC, 16-åringar som skal ta førarkort på klasse A1, lett motorsykkel. Dette gir samstundes førarrett til moped. Lett motorsykkel og moped er for mange 16-åringar i sunnhordlandskommunane

det føretrekte framkomstmiddelet, ettersom kollektivtilbodet utanfor arbeids- og skuletid er avgrensa. Å flytta tenesta frå Stord til Haugesund vil gjera det vanskelegare for denne gruppa å ta førarkortet. Det vil bli utfordringar med å ta fri frå skulen og mykje tid vil gå vekk i transport, stikk i strid med regjeringa sin intensjon.

Trafikkskular

På Stord og i sunnhordlandskommunane elles er det fleire trafikkskular som også tilbyr trafikkopplæring for moped, lett- og tung motorsykkel. Desse vil få ei vesentleg ulempe i konkurransen mot trafikkskular i Haugesund som følge av denne omlegginga. Me fryktar at det vil medføre tap av arbeidsplassar og eit endå dårlegare tilbod til innbyggjarane i Sunnhordland.

Skranketenester

Me set pris på at Statens vegvesen digitaliserer sine tenester. For mange er det enklare å ta imot og utføra tenestene heime framfor PC-en enn å reisa til næraste trafikkstasjon. Samstundes må SVV ta høgde for at ikkje alle har høve til dette, og leggja til rette også for desse.

Det er også ein del tenester som krev fysisk oppmøte på trafikkstasjon, mellom anna det å ta bilete, identifisera seg, levera helseattest og liknande. Så lenge det ikkje finst gode sjølvbeteningsløysingar for dette, vil ei nedlegging av skranketenester medføre eit dårlegare tilbod i og for Sunnhordland.

Samarbeidsrådet for Sunnhordland ser nedlegginga av skranketenester og oppkøyring for førarkortklassane A, A1 og A2 på Stord som ei distriktsfiendtleg avgjerd, som vil medføre dårlegare tilbod, auka tidsbruk og dårlege konkurransevilkår for innbyggjarane og bedriftene våre. Me ber samferdsleministeren vurdere saka på ny og oppretthalda Stord trafikkstasjon med dei tenestene som er der i dag.

VEDTAK:

Samrøystes vedtak.

Sak 38/20

Støttefråsegn - Karriere Vestland – reduksjon av stillingar

Region Sunnhordland treng minimum to 100% stillingar som karriererettleiarar.

Framlegg til fråsegn:

Om Karrieresenteret

I januar 2015 starta Hordaland fylke opp piloten «Karriere Sunnhordland» med to tilsette i 100 % stillingar som karriererettleiarar (2-årig pilotperiode – deretter i ordinær drift).

Desse to stillingane vart lagt til Sunnhordland som eit resultat av at Samarbeidsrådet tok opp at regionen ikkje fekk noko i fordelinga på næringsutvikling i Hordaland i si tid (jmf Gro Jensen Gjerde). Gro Jensen Gjerde og Astrid Østerlid (NAV Sunnhordland) var viktige pådrivarar for at tilbodet vart etablert i Sunnhordland. Oljeprisfallet i 2015 ramma region spesielt hardt i høve til den oljerelaterte industrien (høg andel av arbeidssøkjande/permitterte/bedrifter i omstilling)

Behovet for tenesta er stort. Den gjev tilbod til alle vaksne over 19 år. Dei første åra var ansvarsområde til Karrieresenteret dei 8 kommunane i Sunnhordland regionen, medan dei no etter namneendringa til «Karriere Vestland», skal gje eit tilbod til heile det nye Vestland fylke i samarbeid med dei andre sentra i fylket:



Med denne namneendringa vart det desentraliserte tilbodet med karriererettleiing ein gong i månaden i Etne kommune (kommunehuset) og Kvinnherad kommune (Kvinnherad Næringssservice) fjerna. Ca 20 % av samtalan vart lagt ut som video/telefon samtalar. Frå mars 2020 (Covid 19) vart alle samtalan lagt ut som video/telefon samtalar. Der er berre nyleg at nokre av dei har byrja å leggja ut fysiske samtalar igjen.

Aktivitet

Karrieresenteret har på «toppane» hatt lang ventetid på opptil 5 veker for å koma til samtale hos dei. Etter 5 år i drift har dei enno ikkje opplevd at tenestene dei tilbyr ikkje er etterspurt. Det gjeld ikkje minst etter Covid-19, der mange må tenkja nytt og forholde seg til omstilling og endring i langt større grad. Gjennom dei 5 åra Karrieresenteret har vore i drift, har tilbodet vorte godt kjend i regionen, utan at det er blitt brukt midlar på marknadsføring. Etterspurnaden har vore stabilt høg og dei som oppsøker Karrieresenteret er godt nøgd med tilbodet. Heile 9 av 10 vil anbefala dei til andre. På det travlaste i fjor, hadde dei ei bemanning på 2,5 stillingar, for å få tid til å vera med i forsøksprosjektet «Karriererettleiing for nyankomne flyktningar» i regi av Kompetanse Noreg og Imdi i samarbeid med Heiane mottak.

I tillegg til å tilby individuell- og gruppe karriererettleiing, skal karrieresenteret og dela erfaringar, arbeidsmetodar og verktøy med andre aktørar som driv med karriererettleiing. Dei samarbeider t.d. tett med NAV (kursing/erfaringsdeling/samarbeid), dei har oppretta samarbeid med Forum for oppvekst i Sunnhordland (FOS) om å ha kursing/erfaringsdeling/samarbeid i høve til rådgjevarane i vidaregåande skular i Sunnhordland, og ungdomsskulane som skal gje karriererettleiing i faget «Utdanningsval». Desse aktivitetane er ressurskrevjande og kan ikkje utførast av ein karriererettleiar åleine.

Dramatisk reduksjon

10 karriererettleiarar i sum for å dekkja behovet for karriererettleiing i heile Vestland fylke er i utgangspunktet eit knapt tilbod, med tanke på kor mange vaksne

over 19 år dei skal følgje opp. At Sunnhordland skal få redusert kapasiteten vår på karriererettleiingstilbodet med heile 50 %, vil vera ein dramatisk reduksjon. Behovet er så stort i Sunnhordland, at det burde vore auka med ein stilling, ikkje redusert, med argumentasjon i konsekvensane av Covid19, den sårbare arbeidsmarknaden i regionen med mykje omstilling og svært skiftande arbeidsmarknad.

Sentrale samarbeidspartnarar

- NAV Sunnhordland – Jamnlege besøk på alle NAV kontora, undervisning/rettleiing og erfaringsdeling med dei som driv med karriererettleiing i NAV
- Introprogram - informert om våre tenester
- Prosjekt - Delt våre erfaringar i nasjonalt forsøksprosjekt: «Karriererettleiing for nyankomne flyktningar» (samarbeid med Stord Mottak og på oppdrag frå Kompetanse Noreg og Imdi)
- Samarbeidsrådet for Sunnhordland – deltek på kompetanseforum Vestland, region Sunnhordland
- Kommunane i Sunnhordland: Vaksenopplæringane
- HVL – Undervisningsopplegg for lærarstudentane i høve til yrkesval og info om faget Utdanningsval
- FOS – Forum for oppvekst i Sunnhordland – erfaringsdeling med dei som driv med karriererettleiing i Vidaregåande opplæring og har faget Utdanningsval på Ungdomstrinnet
- Atheno – bedriftane i Sunnhordland (bistå ved omstilling, nedbemanning og langtids sjukemeldingar)

Lovfesta rett til karriererettleiing

Det framstår som underleg å fjerna ein stilling frå Karriererettleiingstenesta, når regjeringa ynskjer å lovfesta tilbodet om karriererettleiing til alle vaksne over 19 år i regi av fylkeskommunen (endring i opplæringslova)

https://www.regjeringen.no/no/tema/utdanning/voksnes_laering_og_kompetanse/Karriereveiledning/id752422/

I tillegg har regjeringa innført ny integreringslov (gjeldande frå 1.aug 2020) som gjev rett og plikt til karriererettleiing og kompetansekartlegging for alle flyktningar før/i introprogrammet.

<https://www.regjeringen.no/no/aktuelt/ny-lov-skal-gi-flyktninger-bedre-forutsetninger-for-a-komme-i-jobb/id2664201/>

Karriererettleiing er utpeika som eit av tre satsingsområde i Avdeling for Innovasjon og Næringsutvikling, og det verkar difor direkte ulogisk at det er innanfor dette feltet ein skal kutta i stillingane og kapasiteten, når ein no må spare pengar i fylket.

VEDTAK:

Samrøystes vedtak.

Sak 39/20 Halvårsrekneskap 2020

Framlegg til vedtak:

Samarbeidsrådet for Sunnhordland tek rekneskapen for 1. halvår 2020 til orientering.

VEDTAK:

Samrøystes vedtak.

Sak 40/20 Budsjett 2021

Framlegg til vedtak:

Forslag 1:

1. Kommunane aukar kommunetilskotet frå kr. 5 000,- til kr. 20 000,- i fast kommunetilskot frå og med 2021.
2. Kommunane aukar kommunetilskotet pr. ibuar med kr. 3,- til kr. 33,- pr. ibuar frå 2021.
3. Fast kommunetilskot pr. kommune og kommunetilskot pr. ibuar vert indeksregulert frå 2022 og framover.

Forslag 2:

1. Kommunane aukar kommunetilskotet frå kr. 5 000,- til kr. 20 000,- i fast kommunetilskot frå og med 2021.
2. Kommunane aukar kommunetilskotet pr. ibuar med kr. 6,- til kr. 36,- pr. ibuar frå 2021.
3. Fast kommunetilskot pr. kommune og kommunetilskot pr. ibuar vert indeksregulert frå 2022 og framover.

På møtet:

Det kom innspel på å gå vidare i prosessen utan forslag 2. Administrasjonen søker kommunane om tilskot med utgangspunkt i forslag 1.

Samarbeidsrådet for Sunnhordland understrekar viktigheita av at Vestland fylkeskommune vidarefører sin partnerskapsavtale med rådet, som inneberer eit årleg tilskot på minimum kr 230.000,-

Vedtak:

Samrøystes vedtak at administrasjonen søker kommunane om tilskot med utgangspunkt i forslag 1:

1. Kommunane aukar kommunetilskotet frå kr. 5 000,- til kr. 20 000,- i fast kommunetilskot frå og med 2021.
2. Kommunane aukar kommunetilskotet pr. ibuar med kr. 3,- til kr. 33,- pr. ibuar frå 2021.
3. Fast kommunetilskot pr. kommune og kommunetilskot pr. ibuar vert indeksregulert frå 2022 og framover.

Sak 41/20**Skriv og meldingar**

- a) Kartverket
- b) Møteplan
- c) Støttefråsegn til PCR-maskinar ved Haugesund og Førde sjukehus
- d) Revisor for Samarbeidsrådet

På møtet:

Dagleg leiar informerte om dei ulike sakene nemnt ovanfor.

Sak 42/20**Ymse****a) Felles revisortenester for kommunane**

Gaute Epland, Kåre Martin Kleppe og Morten Storebø utarbeidar skriv, som dei sender ut til Samarbeidsrådet for Sunnhordland i etterkant.

b) Høyring: Reviderte statlege planretningslinjer for differensiert forvaltning av strandsona langs sjøen.

Høyringsfrist 1. oktober. Fitjar kommune har vedteke å sende eigen høyring. Øvrige kommunar tar fortløpande stilling til om dei ynskjer felles uttale. Det føreligg ingen bestilling hos administrasjonen pr dags dato.

c) Kommunal Museumsstrategi

Samarbeidsrådet for Sunnhordland ser på saka som lukka. Det er ikkje grunnlag for felles strategi. Museet må gå i dialog med kvar enkelt kommune, då kommunane jobbar på ulikt vis og har ulike behov.

d) Bussen i Sunnhordlandsbassenget

Dagleg leiar orienterte om mottatte prosjektmidlar. Administrasjon kallar inn arbeidsgruppa, som består av Morten Storebø, Gaut Epland og Tora Haslum Myklebust, for å utarbeide kriteria for vidare arbeid. Samarbeidsrådet for Sunnhordland vedtok å utvide arbeidsgruppa med Hans Inge Myrvold. Saka vert lagt fram til drøfting ved neste møte.

e) Kommunikasjonsstrategi for Samarbeidsrådet

Administrasjonen utarbeider forslag til kommunikasjonsstrategi og legg fram for Samarbeidsrådet for Sunnhordland. Saka vert lagt fram til drøfting ved neste møte.

f) Sakshandsaming høyringar og fristar

Fitjar kommune fremma viktigheita av at høyringar av regional interessa blir spelt inn i god tid, slik at ein får ein god og grundig sakshandsaming, i tråd med god forvaltningsskikk i kommunane.

g) Prosjektoversikt med status

Administrasjon er oppmoda til å gje ein prosjektstatus i kvart møte.